

AUÉ

SUPLEMENT SETMANAU DETH DIARI **AVUI**

DISSABTE
21 HEREUER
DE 2004
N. 102

Era Sanitat d'Aran passe a èster gestionada per Aran Salut damb un Plan d'Atencion Integrau

Eth Conselh Generau vante eth trabalh hèt pera Aliança que se n'a encuedat de dempús 1966



Era naua empresa sanitària Aran Salut siguec presentada deluns ena Casa deth Senhor d'Arròs

membres de L'Aliança peth trabalh amiat a tèrme ena Val d'Aran des der an 1966 e remerquèc que tamb aguest nau traspàs s' auance ena autogestion e ath madeish temps en autogovern dera Val d'Aran.

En acte tanben se presentèc er organigrama d'Aran Salut que se basarà en un Plan d'Atencion Integrau, a on es professionaus interactuaràn e eth malaut passarà per ua unenca "hiestreta" e d'aquiu, segontes es sòns besonhs, dirèctament as professionaus, en tot sajar de melhorar qualitativament eth modèl assistencial.

Aran Salut gestionarà era sanitat primària, er Espitau Val d'Aran, era residència de gent grana e es servicis sociaus de primària. Era naua empresa aranesa, compde enguan damb un pressupòst de 6626493 èuros.

Per un aute costat, eth pòrtavotz dera oposicion en Conselh Generau, Paco Boya, se metec a disposicion dera empresa Aran Salut.

Redaccion Arròs (CASTIÈRO)

Aran Salut dejà se n'encuede dera gestion des desparières infrastructures sanitàries dera Val d'Aran.

Damb eth traspàs des competències en matèria de Sanitat s'a arthenhut, des deth Servici Aranés dera Salut, crear ua empresa damb capacitat entà gestionar er Espitau Val d'Aran qu'enquia ara depenie dera Aliança.

Eth Servici Aranés dera Salut

vòu arténher ua gestion integrau dera sanitat. Dit de ua auta faison, qu'es aranesi des dera neishença enquiara vielhessa siguen tractats damb uns madeishi paramètres e critèris.

Era Casa deth Senhor d'Arròs amassèc un acte presidit peth Sindic d'Aran, Carlos Barrera, eth Delegat Territoriau de Sanitat en Lhèida, Sebastià Barranco, eth Director de L'Aliança, Luís Jaureguizar, eth

Director Generau de L'Aliança, Salvador Soler, e es directius deth Servici Aranés dera Salut, Francesc Fernández e Felip Benavent. Eth Sindic Barrera hec un acte de reconeishment a toti es

Aguesta setmana en

AUÉ

Un informe ve viable ampliar Baquèira per Salient e Varradòs

Investiguen eth vuedament d'aigües residuas ena Noguèra Ribagorçana

Ampliar Baquèira peth Salient e Varradòs costaríe 60 milions d'€

Un estudi revèle que se poirien bastir sies telesères, dues cafeteries e qu'eth telecabina d'accès aurie 5,5 km

Redaccion
VIELHA

Segontes un informe elaborat per expèrts entar Ajuntament de Vielha e Mijaran sus eth bastiment d'ua estacion d'esquí aupin en Salient e Varradòs aguest aurie un còst d'entre 48 e 60 milions d'èuros, atau ac publicaue un

Er alcalde de Vielha tostemp a volut deishar clar qu'era dubertura dera estacion de Tuca ei ua causa e aguest ambiciós projècte ua auta. Entà balhar solucions as collapsus que viu Aran en epòques de maxima afluència d'esquiadores, er informe parle d'ua inversion de 48 milions d'èuros entà bastir un telecabina ath long dera

carretèra entre Vielha e Vaquèira. Era opcion d'ampliar Baquèira entà Vielha ei, segontes er estudi, era mès factibla, donques s'invertís ena dubertura d'ua naua estacion. Er informe ditz qu'es terrenes a on se vòlen abilitar es naues pistes d'esquí non an cap de tipe de proteccion miei ambientau e tanpòc an bòsqui.

Baquèira doblarie eth sòn domini esquiable

diari dera província. Eth baile de Vielha e Mijaran, Joan Riu, a manifestat quauqui còps ar Aué cò d'important que serie entà Baquèira Beret expandir-se entad aguesta zòna deth municipi entà duplicar atau era superfícia esquiable. Segontes er estudi, er accés tara naua estacion iuernau s'aurie de hèr a trauèrs d'un telecabina damb gessuda en Vielha e d'ua longada de 5,5 quilomètres. Er estudi tanben reflèxe qu'es naues pistes aurién sies telesères e dues cafeteries.



Salient serie ua des zònes afectades

AUÉ



Brèus

Eth nau transformador de Vielha costarà 2 milions d'èuros

■ Era companhia Fecsa Endesa invertirà dus milions d'èuros en bastiment d'un nau transformador entà balhar supòrt ara sosestacion de Vielha e atau esvitar talhs en provediment electric. Aguest ei er anonci hèt en Adrall (Alt Urgell) aguesta madeisha setmana peth Director Generau d'Endesa en Catalonha, Josep Maria Rovira. Era empresa vòu melhorar tot eth hilat dera Val d'Aran entà esvitar situacions coma es deth darrèr Nadau.

Processat eth propietari deth prostíbul per amencas

■ Eth jutjat de Vielha a processat a Carlos Dolara, propietari deth Petit Otèl des Arts, per miaces e atacs damb còctels molotòv ara casa der alcalde de Vielha, Joan Riu, en mai de 2003. Eth jutjat a enviat andús ahèrs tara fiscalia entà sajar de qualificar es hèts. Segontes un informe des Mossos d'Esquadra non i a pròves que restaquen ath processat damb er incident per'mor dera manca d'emprentes dactilares e era de testimònis. Tant era fiscalia com er Ajuntament an previst acusar a Dolara qu'admetec auer escrit ua carta qu'anunciaue er enviament de crubadors de Medelín tath consistòri se barrauen eth locau. Eth Petit Otèl des Arts a tornat a daurir es sues pòrtes dempús d'arténher es autorizacions administratiues avientes.



OPINION

Jusèp Loís Sans Socasau

CAP DE CULTURA E ENSEHAMENT DETH CONSELH GENERAU D'ARAN

Respona as Corbilhuèrs

Primèr: Me semble inoportun transladar era polemica entre eth Conselh Generau e ua associacion sus un ahèr com aguest entàs planes d'un diari. En un país des nòstes dimensions aguestes causes cau simplement parlar-les, e se pòt èster abantes de qué passen.

Dus: Se convidèc a intervenir en acte a professionals occitans e catalans qualificats der acordeon diatonic entà dar-li un nivèu elevat ar acte e conèisher musics que non son pròpriament d'aguest país. Tàs d'ací a mès oportunitats.

Tres: Personaument, per telefon, convidèc a assistir e a participar en acte ath Sr. Joan Puyol membre subergessent dera aportacion musicau d'Es Corbilhuèrs. Bèra auta

persona, dera Val d'Aran, convidada podèc intervenir en acte en tot tocar er acordeon e interessar-se pera sua istòria.

Quate: Me semble de pòc

interès culturau, que se receberen era invitacion tar acte, non i auesse arrés, d'Es Corbilhuèrs. Des deth Conselh Generau d'Aran mo'n asseguram de convidar a toti es collectius e persones restacades ath mon dera cultura. Les assegurí que meritèc era pena e que toti mo'n auríem alegrat dera sua preséncia.

Cinc: Eth Conselh Generau d'Aran organitzarà pendent es Jornades Universitàries d'aguest 2004 un cors d'acordeon diatonic. Profiti entà convidar-les a participar-i.



Servicis

CONSELH GENERAU	973 64 18 01	GUARDIA CIVIL	973 64 00 05	NOTARIA	973 64 00 10
OFEA (FOMENT ARANÉS)	973 64 00 92	POMPIÈRS D'ARAN	973 64 00 80	RECAPTACION IMPÒSTI	973 64 02 78
TORISME VAL D'ARAN	973 64 06 88	ESPITAU VAL D'ARAN	973 64 00 06	MUSEU D'ARAN	973 64 18 15
MOSSOS D'ESQUADRA	973 64 09 72	BAQUEIRA BERET	973 63 90 00	AUÉ (REDACCION)	973 64 30 51
		BURÈU TORISME VIELHA	973 64 01 10	GREMI D'HOSTALERIA	973 64 06 01
		CORRÈUS	973 64 09 12	LORDÈRES	973 64 18 01

GASTIERO

Vuedament illegau ena Ribagorçana

Es aigües residuaus provien des trabalhs deth nau tunèl

Redaccion
VIELHA

Es Mossos d'Esquadra an denonciat en jutjat de Vielha eth vuedament d'aigües residuaus en arriu Noguèra Ribagorçana, ath cant deth tunèl de Vielha. Es Mossos constatèren que per arriu baishauen aigües de color blanc provenentes des trabalhs deth nau tunèl, tanben enes barrancs de Molières e Conangles qu'an era sua desbocadura en Noguèra Ribagorçana. Dempús qu'era Agència Catalana dera Aigua analisèssa ua mòstra deth depaus, s'entamenèren es diligéncias penaus avientes per un delictè ecologic en jutjat. Uns dus quilòmetres d'arriu son afectadi per aguest tercum, de dempús quauqui dies, ena

termièra enter Aran e Ribagorça. Dempús de préner diüerses mòstres d'aguesti vuedaments, era Generalitat demore es resultats dera analisi entà decidir, segontes eth grad de contaminacion, se s'entamèna un expedient sancionador

Es Mossos denóncien per delictè ecologic

administratiu o ben se resòlv er ahèr pera via penau. Eth Conselh Generau, responsable des competéncias de Medi Ambient en parçan, estudiarà un còp coneishudi es resultats se presente denóncia.



Era estacion d'iuèrn de Baquèira Beret a estat eth scenari de diüerses activitats fisicoesportives organizades, per dusau an consecutiu, pes Cicles Formatius d'Espòrts promoiguts per IES d'Aran e er ASPROS de Lhèida. Damb aquestes activitats se vòu sensibilizar as alumnes sus era problematica que presenten es persones damb ua discapacitat psiquica e conscientizar-les que, maugrat tot, pòden hèr quina activitat que sigue. Atau donques, poderen realizar desparières activitats ena nhèu, coma esquí de hons, corses damb raquetes de nhèu, gymkhanes e jòcs tradicionaus de tota era Val d'Aran

GASTIERO

Mès de 500 mainatges e mainades hestegèren ager en Vielha Magràs

Es jòcs de taula siguec eth tèma trigat enguan pes escolans d'Educacion Infantil e Primària deth CEIP Garona

Redaccion
VIELHA

Es mainatges e mainades d'Educacion Infantil e Primària deth CEIP Garona celebrèren era tradicionau hèsta de Magràs damb ua desfilada pes carrèrs de Vielha. En tot qu'es mès petiti anèren acompanyats per sies personatges dera revista Era Garbèra, es mès grani desfilèren a ritme d'ua fanfara escolara improvisada entara ocasion en tot anar guidadi pes barbecassi, titàs tradicionau d'Aran. Mès de 500 escolans, tamb era ajuda des sòns mèstres, an confeccionat, pendent aquesti dies, es sòns titassi entà non mancar ad aquest eveniment qu'enguan viraue ath torn dera tematica des jòcs de taula. Dominòs, escacs, cartes,



Desfilada pes carrèrs de Vielha

parchis... passegèren pes carrèrs de Vielha entà acabar ena plaça dera Generalitat a on se jutgèc e cremèc ath maishant Magràs. Ara seguida es escolans

gaudiren d'un hestivau amenizat pes personatges d'Era Garbèra. Er Ajuntament de Vielha celebrarà aué eth tradicionau

sopar de Carnaval. Eth music Joan Inglada serà eth responsable d'acompanhar eth popular balh de Carnaval, damb entrada gratuita.



Breus

Expedient contra es adjudicataris deth nau poligon de Vielha

■ Er Ajuntament de Vielha e Mijaran vòu expedientar as adjudicataris des trabalhs deth nau poligon industriau per èster inacabat sies mesi dempús dera data prevista entath liurament des claus. Damb era dubertura d'un expedient sancionador se sage de conéisher qui ei eth responsable deth retard e sancionar-lo.

233 reclamacions per'mor dera pana de deseme

■ Era Oficina de Consum deth Conselh a barrat eth període de recepcion de denóncias, per'mor dera pana de Nadau, damb un totau de 233 reclamacions. Particulars e empresaris an demanat compensacions per maus e damnatges.

Beret acuelhec pendent era darrèra dimenjada ua naua Air Liquide

Eth CAEI s'impause en Esport Esquí en 1èr Trofèu "Floquet de Neu" damb sèt pòdiums des dotze possibles

Redaccion
Vielha


Era darrèra dimenjada 125 esquiaires d'entre 5 e 16 ans de dièrsi centres educatius dera Val d'Aran participèren en Trofèu Air Liquide organizat peth Conselh Esportiu dera Val d'Aran. Era competicion se celebrèc en stadium de Baquèira Beret e coma d'abituda era Air Liquide ei ua competicion classificatòria tara Fasa Territorial d'Esquí Aupin. Representants deth Conselh Esportiu dera Val d'Aran remerquèren es boni temps obtengudi pes participaires, "frut deth bon prètzhet des professors d'Era

CAEI participaràn en Trofèu Top CAEI F.I.S., ua corsa d'esquí internacionau que se celèbre aué e deman en stadium de Beret. Era competicion compdarà damb dus slaloms gigants entà òmes e hemnes des categories juvenils e senior. Entad açò qu'ei as espòrts sus gèu, eth darrèr 8 de hereuèr es patinadors aranesi deth CEGVA assitiren tara 3au. pròva dera XIIIau Liga Catalana de

Patinatge Artistic celebrada en Puigcerdà. Es patinadors d'Aran artenheren bones posicions enes respectives categories en tot plaçar ath CEGVA en un lòc favorable dera classificacion generau. Jenifer Alvarez e Jimena Legaz demorèren en 2au e 3au posicion respectivament dera sua categoria e Dario Nieves ena 1èra, Jonatan Montes e Carlos Sanz en 2au e 5au posicion.

Eth patinatge aranes mestrege ena generau dera catalana

Escòla e deth Conselh Generau". Per un aute costat, 65 corredors deth CAEI preneren part en gigant qu'auèc lòc tanben era darrèra dimenjada en Esport Esquí. Era pròva que correspon ath 1èr Trofèu "Floquet de Neu", qu'apertien ath Circuit d'Alevins, dèc as esquiaires deth club aranes sèt des dotze pòdiums possibles. Aquesta dimenjada es integrants deth



Trofèu Air Liquide en Baquèira Beret organizat peth Conselh Esportiu Val d'Aran



Alex Puente deth CAEI en Esport Esquí



Eth CEGVA participèc ena 3au. pròva dera XIIIau Liga



ara que i èm

Jusèp Lois Sans

Pro!

Eth tripartit encara non s'a fixat ena Val d'Aran. Melhor dit l'a tractat coma un bocinet mès de Catalonha. È simpatia politica per ua part d'aguest tripartit e non è massa esperança en qué plantejaments ideologics tan dièrsi posquen passar damb èxit un projècte en comun, maugrat des lectures positives a cèrti nivèus. Encara non compreni aguesta sosdelegacion deth Pirenèu, e produis un increment deth mèn mauèster eth hèt qu'age tres caps-lòcs e que cap d'eri sigue Vielha. Ara era Val d'Aran ei mès minorizada e mens considerada. Era dependècia dera Val d'Aran la cau dirèctaments de Barcelona, e pro! Era indignacion me harie èster absolutaments radicaü mès voi auer era paciència de qué posquen préner possession tranquilla des sues places administratives e recomani tranquillitat. Totun era mia paciència se rebèle quan veigui qu'eth tripartit seguís en tot parlar d'un departiment territorial e d'ues vegueries enes qu'era Val d'Aran non a cap de consideracion diferenciada. Es vegueries non s'aplicaràn damb facilitat e non li costarie arren ad aguest tripartit auer un discors coerent damb eth respècte des identitats. Des dera mia condicion d'aranès considèri que se vòlen eliminar es Conselhs Comarcaus (me'n foti pas mau) encara serà bon entà ajudar a diferenciar mès eth Conselh Generau. Mès Catalonha a d'èster distribuïda (en tot respectar eth sòn plantejament) en sèt vegueries e un territori diferenciat liurement associat a Catalonha, governat peth Conselh Generau d'Aran, ua des institucions de govèrn mès antiques d'Euròpa. E en tot qu'es vegueries non siguen possibles cau qu'aguest tripartit mòstre aguesta sensibilitat en tot desseparar era Val d'Aran dera sosdelegacion deth Pirenèu.



DAMB ERA COLLABORACION DETH DEPARTAMENT DE PRESIDÈNCIA DERA GENERALITAT DE CATALUNYA E DETH CONSELH GENERAU D'ARAN

